

ԼԱՅՈՒՄ Է ՔԱՄԻՆ...

ԱՐԵԱԿ ԱՔՍՅՆՆԻ

Լացում է քամին, կոծում է քամին,
Ողբում է անթիւ տանջանքը մարդու.
Դիզւել են ամպերն էն սարի ծէրին,
Ճնշում են ծանրը, մռայլ ահարկու:

Օ, որքան մեծ է մեր ցաւն ու վիշտը,
Որքան կեանքն անցուկ, որքան շառն-ունայն,
Որքան խափուսիկ հոգու ժպիտը—
Անցաւ մի վայրկեան, արտասուում է այն.

Եւ մեր մոքերը լուսաւոր, փայլուն
Պահւած են ահա մահու պատանքով,
Պայծառ յոյսերը արդէն քայքայուն,
Ու սիրտը լցւած սե տառապանքով...

Հեծում է քամին, ծեծում է քամին,
Ողբում անցաւոր խեղճ կեանքը մարդու.
Դիզւել են ամպերն էն սարի ծերին,
Ճնշում են ծանր, մռայլ, ահարկու:

1900 թ. Յունւարի 18. Խասաւ-Իւրրո: